

古文苑

五





古文苑卷第九

齊梁詩四十五篇

添入一首阻雪連句合成一首

王融侍遊方山應詔

遊僊詩

五首

奉和南海王詠秋胡妻

七首

棲玄寺聽講畢遊邸園

別蕭諮議

四首

任昉 王延 宗史 王融

蕭諮議行荅

蕭記室琛應教

王融和王友德元古意

二首

餞謝文學

六首

沈約

虞炎

范雲

謝文學眺峇

王融寒晚敬和何徵君點

別王丞僧孺

范雲學古貽王中書

王融雜體報范通直

沈右率座賦三物為詠

三首

謝朓

王融

王融奉和月下

秋夜長

四色詠

兩頭織織

代徐二首

詠梧桐



王融池上梨花

劉繪和

阻雪連句遙贈和

謝朓 江革 王融 沈約

唐人木蘭詩附

侍遊方山應詔

王融 字元長琅邪臨沂人

輿地志湖熟西北有方山山頂正上方上有池水按齊書武帝嘗幸方山顧左右欲經始山南為離宮以徐孝嗣之對而止應詔奉君命作也

巡躅望登年帳飲臨秋縣

巡躅遊幸之輒跡也言省耕省斂為農而出所望年

豐也漢書高祖過沛帳飲三日王制天子之縣內畿邑也

日羽鏡霜淥

家語赤羽若日羽旌旗也

雲旗落風甸

王制千里之內曰甸言旗幟如雲連亘者遠

四瀛良在

日八寓婉如見

盛言山之高四瀛四海也孟子登太山而小天下

小臣竊自

嘉預奉栢梁讌

武帝栢梁臺讌羣臣詔令和詩見前註

遊仙詩 五首

遊仙者謂輕身遠舉超出人間世與羣仙遊也晉宋間人多作此詩融集云應教按史齊武帝時竟陵王子良為護軍將軍兼司徒領兵置佐鎮西州才雋之士皆遊集其門融與范雲蕭琛任昉蕭衍謝朓沈約陸倕並以文學尤見親待号曰八友應教蓋奉子良之命而作

桃李不奢年桑榆多暮節

桃李論盛年桑榆言晚景常恐秋蓬

根連翩因風雪習道遍槐岷追仙度瑤碣

瑤碣

綠帙啓真詞丹經流妙說

綠帙丹經長河

仙家



且已榮

榮者直木之榮華猶言海行變桑田

曾山方可礪

曾與層同漢書泰山若礪

叶韻入聲列

獻歲和風起

獻歲始歲元日也周禮正月之吉始和

日出東南隅鳳翀

亂煙道龍駕溢雲區

鳳羽為旗以龍引車楚詞龍駕兮帝服又孔蓋兮翠岑

結

賞自負嶠移燕乃方壺

負嶠方壺海中神山僊家居其上

金卮浮水

翠玉竿挹泉珠徒用

一作由

霜露改終然天地俱

命駕瑤池隈

西王母宴周穆王於瑤池之上

過息羸女臺

秦穆公女弄玉能吹

簫作鳳吟常居古室上後乘鸞駕仙去羸去余姓

長袖何靡靡簫管清且哀璧

門涼月舉珠殿秋風迴

璧門珠殿神仙之所居

青鳥鴛鴦羽

王母停玉盃

青鳥西王母之使青鸞來迎王母停盃以待之

舉手暫為別

王

喬乘白鶴於緱氏山頭舉手謝時人而去

千年將復來

搜神記有鶴書遼東城門葦表

柱曰丁令威去家千歲今來歸

湘沅有蘭芷洎吾欲南征

湘沅二水名皆在江南楚詞湘夫人篇沅有芷兮澧

有蘭澧亦水名

遺珮長出浦

楚詞遺吾珮兮澧浦韓詩外傳鄭交甫遵彼漢皋遇二女珮珠而遊

解珮以遺交甫

舉袂望增城

崑崙山有閩風增城皆神仙所居

朱霞拂綺樹

白雲照金盃五芝多秀色

五色芝也本草芝生於五岳各如其方之色言仙境

五色芝並秀

八桂常冬榮

山海經曰桂林八樹在賁隅東楚詞麗桂林之冬榮

弭節且夷

與參差聞鳳笙

與平声夷與猶徜徉也鳳笙王子喬事

命駕隨所即燭龍導輕驪

燭龍駕日之神言仙者驪御所至燭龍為之引

導沙澤振寒草弱水駕冰潮

沙澤流沙也西母瑤池有沙澤之阻海中



神山有弱水之隔振寒遠翔馳聲響流雪自飄飄  
草駕冰潮言命駕可到表多寒穆天子遊忽與若  
仙境出乎日月之表澤日中大寒北風雨雪  
黃臺之丘驚於革澤神傳盧敖見若士謂敖  
人遇曰吾與汗漫期於九垓之外不可久留長舉入  
雲霄羅繹徒有睨鷦明已寥寥揚子鷦明冲天言仙

奉和南海王殿下詠秋胡妻

齊武帝子

魯秋胡子納妻五日而去官於陳五年乃歸  
未至其家見路傍有美婦人方採桑秋胡子  
悅之下車謂曰力田不如逢少年力桑不如  
見公卿吾有金願以贈夫人婦人曰噫妾採  
桑奉二親不願受人之金秋胡子遂去至家  
奉金遺母婦晚而至乃向來採桑者婦曰子  
辭親往仕五年乃還而悅路旁之婦人解子  
裝金以與之而志其母也妾不忍見不孝之  
人遂去走投於河

日月共為照

喻夫婦之道

松筠俱以貞

婦人之義

紛甘自遠

佩左紛悅右箴管之屬詩

結鏡待君明

結

嫁時裝具妻稱夫曰君

且協金蘭好

易二人同心其利斷金

方愉

琴瑟情

詩妻子好合

佳人

猶良人也

忽千里幽閨積

思生

其一

景落中軒坐悠悠望城闕高樹升夕煙層樓  
蒲初月光陰非或異川山屢難越輟泣拚  
搔首亂雲髮詩自伯之東首如飛蓬



其二

傾鬼屬徂火

傾鬼也詩六月徂暑夏屬火將退 搖念待方

秋涼氣承宇結明燭

明燭螢也詩 三星

亦虛映

三星參也婚姻之 四屋慘多愁 四屋猶 思

君如萱草一見乃忘憂

其三

杼柚斝不諧契關彌新故

詩死生契關 朔風欄上

發寒鳥林間度客遠乏衣裘歲晏饒霜露參差

興別緒依遲起離慕

其四

願言如可信行邁亦云反睇景不告勞瞻途寧

遽遠何以淹歸轍蠶妾事春晚送目亂前華馳

心迷舊婉

言秋胡眩惑顏色此心已馳不省其妻昔時婉嬈之容

其五

椒珮容有結振芳跂路隅黃金徒以賦白珪終

不渝

婦節堅貞如白珪之不可變

明心良自皎安用久踟蹰

車及粉巷流日下西虞

日沒之地謂之虞淵粉巷里巷也植粉榆以為表言

歸至里巷日已西墜

其六

披帷揚有志出門遲所欲

遲去声待也言待其妻之歸

彼美後



來儀慙顏變欣矚蘭艾隔芳臭涇渭分清濁

草艾白蒿也楚詞戶服艾以盈要八兮謂幽蘭其不可佩涇水濁渭水清詩涇以渭濁蓄猶不可同器涇渭

不容混流以論胡去去夫人子請殉川之曲

胡不能奉其親遂自投於水生若汗日殉

### 其七

舊本止六首今據齊集添入足之

### 栖玄寺聽講畢遊邸園

齊史竟陵王子良篤好釋氏招致名僧講論佛法道俗之盛江左未有故其寮佐俱往僧

寺聽講子良開西邸以招文學邸中有園

道勝業茲遠心閑地能隙桂崦鬱初栽蘭墀垣

將闢虛檐對長嶼高軒臨廣液液池水也芳草列成

行嘉樹紛如積流風轉還逕還音旋謂回放之徑清煙泛

喬石日泊山照紅松映水華碧暢哉人外賞遲

遲眷西夕

### 別蕭諮議

梁書武帝諱衍字叔達南蘭陵中都里人姓蕭氏初仕齊累遷隨王鎮西諮議參軍隨王

名子隆齊武帝子置鎮荊州衍赴鎮時同列以詩送別今觀賓主倡訓皆流連惜別無激

昂為國之志足見江表七夫宴安江沅氣象

### 任殿中昉

南史任昉字彥升樂安博昌人時為殿中郎

離燭有窮輝別念無終緒歧言未及申離目已

先舉揆景平衡阿景日也言計日至臨風長楸浦地名



浮雲難嗣音徘徊 惟誰與儻有關外驛聊訪狎

鷗渚邊鎮有關以防不虞言已無意功名當求閑退後有驛使至關外可訪諸鷗鷺之羣狎鷗見列子

### 王延

霏雲承永夜皓燭驚離軒執酒愴誰與舉袖默

何言忍茲君爲別如此歲方暄年深北岫時鳥

思南國園南國指帝都金陵也江上愁別日階下樹芳蓀

### 宗記室史

別酒正參差乖情將陸離悵焉臨桂苑憫默瞻

華池桂苑華池皆游樂之地以離緒方結對之悵憫輕雲流惠采時雨亂清

漪眇眇追蘭逕悠悠結芳枝眷言終託何心寄

方在斯

王中書融齊書融少而警慧博涉有文才舉秀才尋遷中書郎

徘徊將所愛惜別在河梁謂携寵愛之姬妾李陵別燕武詩携手上河梁游子

暮何衿袖三處隔語議與諸賢別及姬侍江山千里

長寸心無遠近邊地有風霜齊興元魏爲敵國故荊州爲邊地勉哉

勤歲暮敬矣事容光山川殊未憚杜若空爲芳

言山川悠遠離思方結非遺以香草能悅憚其情楚詞芳洲芳杜若將以遺芳下女注采香草以遺其下之侍女

### 蕭諮議衍荅

問我去何節光風正悠悠蘭華時未晏舉袂徒

離憂緩客承別酒鳴琴和好仇前詩謂將所愛者詩窈窕淑女君子



好清宵一已曙藐爾泛長洲言天色才曉即解舟前邁眷言無

歇緒深情附還流還音旋二流回潮也自金陵西上潮至彭浪磯而回

蕭記室琛前夜以醉乖例今晝由醒敬

應教琛在才雋八友之數即夕被酒無詩此篇續寄應教蓋隨王子隆促之使賦

落日摠行轡薄別在江干遊客無淹期長洲有

急瀾言潮至即解纜分手信云易相思誠獨難之子兩

特達伊余日盤桓詠此式微歲共賞階前蘭詩式微胡不歸又采薇詩曰歸曰歸歲亦陽止言當早歸共賞芳時

和王友德元古意二首舊注沈右率一等並和數十人文多不載

齊書德元王晏之子也有意尚至車騎長史忠目不忘其君猶貞婦之思念其良人騷雅

比興皆然二詩蓋擬古遺意

王融

遊禽暮知反行人獨未歸坐銷芳草氣空度明

月暉頻容入朝鏡思淚點春衣空山采雲合淇

上綠條稀宋玉所賦高唐巫山之雲衛詩送我乎淇之上矣皆合之不以正者待君

竟不至秋鴈矍矍飛暗物感時

霜氣下盟津秋風度函谷盟津一曰孟津在河北函谷關在弘農縣一更行人

往來之念君淒已寒當軒卷羅縠織手廢裁縫曲

鬢罷膏沐詩余髮曲眉山豈無膏沐誰適西向容千里不相聞寸心鬱

紛蘊平聲况復飛螢六夜木葉亂紛紛論小人乘間以亂政

餞謝文學離夜



齊書謝朓字元暉陳郡夏陽人少好學文章清麗爲隨王鎮西功曹轉文學隨王子隆在荆州好詞賦數集僚友朓以文才尤被賞愛蓋朓自京趨荆州時同朝諸賢以詩餞別也

後至吏部郎沈右率約南史沈約字休文任齊爲太子左率遷國子祭酒

漢池水如帶至山雲似蓋左傳楚國漢水以爲池漢書黃河如帶巫山高唐之雲宋玉嘗賦之魏志文帝生時有雲青色園如車蓋

一望沮漳水寧思江海會漳水在南郡當沮屬荆州竟言人遠別不若衆水會于江海爲可期也

以我徑寸心從君千里外

### 虞駕部

謝宣城集附載餞別詩共七首此詩云虞別駕炎又有和竟陵王望雷居士精舍及詠簾詩皆炎作也

差池鷺如飛羃歷草初輝詩燕于飛差池其羽羃歷稠密覆地也春日照快百草

生離人恨東顧遊子愴西歸荆州在金陵之西清潮已駕渚

溥露復沾衣一乖當春聚方掩故園扉

### 范通直雲

南史范雲字彥龍南郡武陵人有識具善屬文通直蓋倡和時職衙後仕梁官至尚書右僕射領吏部

陽臺霧初解雲陽之臺宋玉賦朝暮暮陽臺之下夢渚水裁綠雲夢澤之

遠山隱且月几平沙斷還續分絃鏡淵渚左傳楚子田于江南之夢

苦音別唱多悽曲爾拂後車塵謂參陪副車之人當蒙振拔脫去塵

我事東臯粟己當納祿求閑從事農畝陶淵明詩種豆在東臯



王中書融

所知共歌笑

論語舉尔所知謂心相孚之人也

誰忍別笑歌離軒思

黃鳥

綿蠻詩曰綿蠻黃鳥止于丘阿道之云遠我勞如何言行役之勞思若黃鳥之得所止

分渚夢

音愛夢對草盛也

青莎翻情結遠旆灑淚與行

波春江夜明月還望情如何

蕭記室琛

執手無還顧別渚有西東荆吳眇何際煙波千

里通春筍方解箨弱柳向低風相思將安寄悵

望南飛鴻

荆州在金陵西北望南飛鴻侯音書之至

劉中書繪

齊書繪字士章永明末京邑人士盛爲文章談義繪爲後進領袖

汀洲千里芳朝雲萬里色悠悠在天隅之子去

安極春潭無與窺秋臺誰共陟不見一佳人徒

望西飛翼

欲寄音書

謝文學蒼

眺長五言沈約嘗云二百年來無此詩也

春夜別清樽江潭復爲客歎息東流水如何故

鄉陌重樹始芬苴芳洲轉如積望望荆臺下歸

夢相思夕

荆臺楚人遊觀之所家語楚王將遊荆臺司馬子祺諫

寒晚敬和何徵君點



齊書何點字子晉少不仕宋世徵為太子洗馬不就隱居東籬門齊高帝受禪褚淵王儉為宰相點謂人曰我作齊書已竟贊云淵既世族儉亦國華不賴舅氏違邨外家永明元年徵中書郎終不屈

### 王中書融

踈酌候冬序閑琴改秋律如何將暮天復值西

歸日搖落迎軒牖陶淵明歸去來詞僮僕歡迎飛鳴亂繩華飛

猿鶴之屬繩華謂以繩為樞編竹為門也煙灌共深陰灌字亦作櫛木叢生也風

篁兩蕭瑟虛堂無笑語懷君自如疾詩甘心早首疾

輕北山賦周彥綸隱於鐘山後應詔出為海鹽縣令欲過北山孔稚珪假山靈之意作北山移

文點早年已輕之晚愛東臯逸晚景以農事自適阮籍上德奏記云將耕東臯之陽

可潤身老子不德禮記德潤身下澤有徐轡叶韻入声必後漢書馬少游乘

下澤車御款段馬注下澤之車短轆

### 別王丞僧孺

南史王僧孺東海剡人也仕齊為晉安郡丞遷尚書左丞兼御史中丞工於詩

首夏實清和餘春蒲郊甸花樹雜為錦月池皎

如練如何如此時別離言與面面一本作燕留雜已

鬱紆留雜別時相遺送物也詩雜佩以贈之行舟亦遙行非君不見

思所悲思不見

### 學古貽王中書

### 范通直雲

學古猶擬古也雲字彥龍武興人仕齊為通直郎按文選已收此篇諸家注甚詳編者欲收王融報章故并錄此篇以見贈答往來之意



攝官音璣闥

省中門畫為青璣文故謂之青璣闥

攝謙辭言非正也

遙望鳳凰池

晉中興書曰荀勗徙中書監為尚書令人賀之乃發

憲曰奪我鳳凰池卿諸人何賀我邪融時為中書監

誰言相去遠脉脉阻光

儀相去雖邇

岱山饒靈異沂水富英奇

齊書王融琅邪

臨沂人岱山秦岳也屬琅邪郡境山川孕秀故產俊傑

獨翻凌北海翻飛出

南皮

舊注皆云徐幹居北海吳質游南皮言

遭逢

聖明后來棲桐樹枝竹花何莫莫桐葉何離離

鄭氏詩箋鳳凰非梧桐不棲非竹實不食以喻賢者不苟就也可栖復可食此外亦

何為

位穹祿厚尚復

豈如鷦鷯者一粒有餘貲

舊注

謂雲以鷦鷯自況馬按莊子鷦鷯巢林不過一枝張華賦申其意曰每食不過數粒蓋喻隱逸知足之士也雲

與融同列恐不得以此自况

### 雜體報范通直

王中書自融

齊書王融祖僧達中書令曾高並台輔融自持人地三十內望為公輔直中書省夜

嘆曰鄧二兩笑人彥龍貽詩蓋示規微融嗜進欲速出由齊武帝疾篤謀立竟陵王子良

不克於茲中賜死

和璧荆山下隨珠漢水濱

史記趙王得和氏璧秦願以十五城易之璧蓋

卞和得於荆山之下者搜神記隨侯見大蛇傷救而治之蛇銜珠以報徑寸而夜光隨侯漢中國姬姓諸侯也希世

之珎以喻間生賢材

無覆自昔代有美今為隣

二子

荆山漢水皆楚地

三楚多秀士江上復才人

後自負且其生同時古語云千里一賢猶為比鄰  
史記注孟康曰舊名江陵為南楚吳為東楚彭城為西楚南郡為州居江之上游指彥龍所生地



緯綃非善賈聖德可名臣

左思吳都賦泉室潛藏而卷綃張華博物志鮫

人從水中出向人家寄住積日賣綃言才智之士積德累譽如織綃然由尺寸以成端疋亦非善賈待時者論語求善賈而沽諸惟遇聖德之君則人臣可名於世

追飛且學步

謙詞以答獨翻繖飛之句

共子奉清塵

故曰清塵

紫庭風日好青槐枝葉

新帝王之居象北極紫微宮故曰紫庭面植三槐三公位焉

徘徊吹樓側

麗譙樓也欲

見心所親

指彥

樹君蘭蕙草何用以書紳

樹未詳音

義融集作鬱二證也蘭蕙香草以喻貽贈之詩身當佩服不待書紳

沈右率座賦三物為詠

慢

惟幕之類拾遺記周穆王有鸞章錦幔

謝文學眺

幸得與君

眺集作珠

綴幕歷君之楹月映不辭卷風

來輒自輕每聚金鑪氣時駐玉琴聲代願置樽

酒蘭缸當夜明

琵琶

釋名琵琶本起于胡中馬上所鼓

王中書融

抱月如可明

琵琶之形似月

懷風殊復清絲中傳意緒

花裏寄春情掩抑有奇態悽鏘多好聲芳袖幸

時拂龍門空自生

枚乘七發龍門之桐其根半死半生詩言桐生龍門不若栽為樂器

得親佳人

簫

隋書音樂志篴長尺四寸八孔蘇成公所作也

沈右軍約

江南簫管地妙響發孫枝

丹陽記江寧南有慈姥山積石臨江生簫管竹

俗呼為鼓吹山詩言江南之地產竹多良可為樂器孫枝又其特異者也周禮孫竹之管鄭玄注孫竹竹枝根



之未生也 **殷勤寄玉指含情舉復垂雕梁冉三繞輕**  
**塵四五移** 漢初虞公善歌聲動梁塵楚莊有鳴琴曲曰繞梁言其聲之繚亮也竹音亦宜然  
**中有深意丹心君詎知**

**奉和月下**

**雕雲度綺錢** 雕雲猶彩雲綺錢壁帶也西都賦金缸街壁是為列錢注謂壁中之橫帶也行

列似 **香風入珠網** 乙之帳絡以隨珠和壁獨知此

**夜月依遲慕神賞** 此詩當是和人所作宿禁省中所作

**奉和秋夜長**

**秋夜長夜長樂未央** 詩夜如何舞袖拂花燭歌聲

**繞鳳梁** 列子韓娥過雍門鬻歌假食既去餘響繞梁三日不絕

**四色詠**

此體盛於齊梁間范雲有擬古四色詩云丹如桓公廟青如夕郎門黑如南巖嘯白如來山猿徒取其色意義頗短與此詩相類又有分為四首四句詠一色者

**赤如城霞起** 孫綽遊天台賦赤城霞起以標建李善注引會稽記曰赤城山名色皆赤狀似

雲霞 **青如松霧徹** 東方木於色為青玉策記云千歲松相望如偃蓋其中有物如青羊青牛

**黑如幽都雲** 堯典朔方曰幽都北方色為黑淮南子西北方曰幽都之門九入極之雲是雨

天 **白如瑤池雪** 穆天子傳天子與西王母宴于瑤池遊黃臺之丘北風雨雪

**奉和織織**

古兩頭織織詩兩頭織織月初生半白半黑眼中精膈膈膊膊雞初鳴磊磊落落向曙星

**兩頭織織綺上紋半白半黑鸚翔羣** 孔叢子烏白項而群



飛者謂之燕  
鳥白脰鳥也  
膈膈膊膊鳥迷  
燠磊磊落落玉石分  
老子云不欲碌  
如玉落  
如石

### 奉和代徐 二首

魏徐幹室思詩曰自君之出矣明鏡開不治  
思君如流水何有窮已時宋孝武擬室思詩  
曰自君之出矣金翠間無精思君如日月更  
還晝夜生詩人以夫婦比君目梁宋間多傷  
其體二詩  
當云擬徐

自君之出矣芳蕝絕瑤卮

蕝音叔廣韻醖美酒也  
本亦作蕝詩釀酒有蕝

思君如形影寢興未曾離

自君之出矣金爐香不然思君如明燭中宵空

自煎

煎子膏火  
自煎也

### 詠梧桐

寒鳳影層枝

鳳非梧  
桐不棲

輕虹鏡仄綠

兩過日出虹影  
映照二句形容

物之  
生意

豈斲龍門幽直慕瑤池曲

龍門之山梧桐所  
生瑤池之曲琴瑟

所奏斲壞也都故反言不慕榮貴戕賊本然  
之性與前琵琶詩心相反蓋隨物賦詠也

### 詠池上梨花

王中書

舊本不載王中  
書詩今添入

翻塔沒細草集水間踈萍芳春照流雪深夕映

繁星

和

劉中書

露庭晚翻積風閨夜入多繁示藜似亂蝶拂燭狀

聯蛾



阻雪連句遙贈和

歡集載同詠七人各賦絕句音韻相叶而不相犯意亦往來酬答題以聯句蓋宋齊間體也至唐則有人詠一韻兩句周而復始合成長篇者舊本止載江革王勣二首姓名又差今添入倡首謝眺殿後沈約二絕足成聯句一篇外有王蘭謝旻謝緩三首詞意不相殊

絕弗載

積雪皓陰池北風鳴細枝九達密如繡何異遠

別離

謝眺

本相密迹以阻雪踈闊

風庭舞舞流霰水池結文漸

霰凍雨也詩相彼雨雪先集維霰漸薄冰也初

結遇風則成文

飲春雖以煥欽賢紛若馳

江革

公孫弘有欽賢

館南史革字休映濟陽考城人竟陵王引為西邸學士弱冠舉南徐州秀才歷官八府長吏三為二千石

九 天苑

一六

劉宗

珠靈條間響玉雷閣下垂

靈音英雪霰也玉雷閣簷間水柱也閣與簷同

酒不相接寸心良共知

王勣

陶淵明詩未言心相解不在接極酒

初昕逸翮舉日具駑馬疲幽山有桂樹

劉安招隱士桂

樹叢生兮山之幽

歲暮空參差

沈約

木蘭詩

昔注云不知名浙江江西道觀察使蕭御史中丞韋元甫聞續附入

眉山蘇氏曰讀烈女傳蔡琰二詩其詞明白感概頗類世所傳木蘭詩東京無此格也建

安七子猶含養圭角不盡發見况伯諧文乎蓋後人撮作而范曄荒淺遂載之本傳可以

一笑也按此詩直述無含蓄意又在悲壯則二詩之下然代父戍邊十二年人不知其為女

若木蘭者亦壯而廉矣使載之烈女傳與蔡

曹娥將遜之蔡琰當低頭愧汗不敢與比肩矣杜牧有題木蘭廟詩云彎弓征戰作男兒愛裏曾經與畫眉幾度思歸還把酒拂雲堆上祝明妃



促織何唧唧木蘭當戶織不聞機杼聲唯聞  
女歎息問女何所思問女何所憶女亦無所思  
女亦無所憶昨夜見軍帖可汗大點兵軍書早  
二卷卷卷有耶名

耶以避切今作爺俗呼父爲爺

阿耶無大兒木

蘭無長兄願爲市鞍馬從此替耶征東市買駿  
馬西市買鞍韉南市買轡頭北市買長鞭旦辭  
耶孃去暮宿黃河邊不聞耶孃喚女聲但聞黃  
河流水鳴濺濺旦辭黃河去暮宿黑山頭不聞  
耶孃喚女聲但聞燕山胡騎聲啾啾萬里赴戎  
機關山度若飛朔氣傳金柝寒光照鐵衣將軍

百戰死壯士十年歸歸來見天子天子坐明堂

策勳十二轉賞賜

賜物一作

百千強可汗

唐時蕃夷稱天子爲

天可汗問所欲木蘭不用尚書郎

樂府作欲與木蘭賞不願尚書郎

願馳千里足送兒還故鄉耶孃聞女來出郭相  
扶將阿姊聞妹來當戶理紅粧小弟聞姊來  
磨刀霍霍向猪羊開我東閣門坐我西間  
床脫我戰時袍着我舊時裳當牕理雲鬢  
掛鏡帖花黃出門看火伴火伴皆驚忙同  
行十二年不知木蘭定女郎雄兔脚撲握

一作雄兔眼彌

迷一作

離

雙

一作

兔傍地走安

一作



能辨我是雄雌

作詩者以兔爲雌  
詩誰知烏之雌雄

古文苑卷第九



古亭八苑卷第十

批物

啓

漢高祖手勅太子

晉明帝啓元帝

書

鄒長倩遺公孫賢良書

董仲舒詣丞相公孫弘記室書

揚雄答劉歆書

酈炎遺令書四首

王粲爲劉表與表尚書

十一文苑

一

邵亨

曹公與楊太尉書論刑楊脩

楊太尉答曹公書

曹公卞夫人與楊太尉夫人表氏書

楊太尉夫人表氏答書

魏文帝九日送菊與鍾繇書

漢高祖手勅太子

漢書藝文志高祖傳十三篇固自注高祖與大臣述古語及詔策也此編

或居詔策之一

吾皇道亂世當秦禁學自喜謂讀書無益洎踐祚以來時方少省書乃使人知作者之意追思昔所行多不是



帝不事詩書及陸賈奏新語未嘗不稱善正與此勅同意

又云堯舜不以天下與子而與它人此非為不  
惜天下但子不中立耳人有好牛馬尚惜况天  
下耶吾以爾是元子早有立意群臣咸稱汝友  
四皓吾所不能致而為汝來為可任大事也今  
定汝為嗣史遷曰授舜則天下得其利而丹朱  
堯舜也大哉聖人之言曰大道之行天下  
為公故五帝官天下四皓事見張良傳

又云吾生不學書但讀書問字而遂知耳以此  
故不大工然亦足自辭解今視汝書猶不如吾  
汝可勤學習每上疏宜自書勿使人也漢世以

字學為重此勅蓋言不可不習耳晉宋而一至于唐人主以字畫相誇至與人臣較工拙而陋甚矣

又云汝見蕭曹張陳諸公侯吾同時人倍年於  
汝者皆拜并語於汝諸弟以此命太子諸王右川古  
者尊敬師傅之遺也思如

晉成帝拜王導并其妻則尊卑之分外矣

又云吾得疾遂困以如意母子相累趙王如意  
母戚夫人  
其餘諸兒皆自足立哀此兒猶小也鳩毒人曰服之  
禍高祖也  
慮其至此孝惠懦弱以萬乘之主不能庇其弟亦可悲矣

### 晉明帝啟元帝

晉書明帝諱紹字道畿元帝長子太  
興元年立為皇太子仁孝喜文辭



臣紹言伏蒙吉日沐頭老壽多宜謹拜表賀表  
奮云春正月沐頭至今大垢臭故乃沐爾得啓  
知汝孝愛當如今言父子享祿長生也  
又啓云沐父勞極不審尊體何如奮云去垢甚  
佳身不極勞也

遺公孫賢良書

鄒長倩

公孫弘以元光五年爲國士所推上爲賢良國  
人鄒長倩以其家貧少自資致乃解衣裳  
以衣之釋所著冠履復以與之又贈以芻  
一束素絲一襪撲滿一枚書題遺之曰

文苑

三

漢書

川薛人也武帝初即位弘以賢良徵爲博士使匈奴還報不合上意乃移病免歸元光五年復徵賢良文學皆川國復推上弘今漢書所載制詔及弘對策皆元光五年事是時弘已七十餘夫人無幽顯道在則爲尊幽顯謂人之窮達也道之所存不以窮達論雖生

芻之賤也不能脫落君子故贈君生芻一束詩  
人所謂生芻一束其人如玉小雅白駒詩生芻一束其人如玉

玉篋云此戒之也女行所舍主人五絲爲緝倍

緝爲升倍升爲絨倍絨爲紀倍紀爲纓倍纓爲  
襪此自少之多自微至著也士之立功勲効

名節亦復如之勿以小善不足脩而不爲  
也故贈君素絲一襪此言最精切士君子宜篤行之蜀先主誠其子亦曰



勿以善小而弗為惡小而為之撲滿者以土為器以蓄錢貝  
其有入窾而無出窾滿則撲之土麤物也錢  
重貨也入而不出積而不散故撲之士有聚  
斂而不能散者將有撲滿之敗可不誠歟故  
贈君撲滿一枚大學曰偵悖而入者必悖而出  
與其有聚斂之臣寧有盜臣猗  
嗟盛歟國論推上賢良  
古人以為重事山川阻脩加以風露次卿  
足下勉作功名竊在下風以俟嘉譽次卿弘字  
漢書不載  
時儒者輟固亦謂之曰公孫子  
務正學以言毋曲學以阿世

### 詣丞相公孫弘記室書

漢書武帝即位舉賢良文學之士仲  
舒以賢良對策天子以為江都相元  
朔三年御史大夫公孫弘為丞相封  
平津侯時仲舒廢為中大夫居家此  
書當在弘為御史大夫時漢御史大  
夫與丞相俱稱三公其後仲舒以廉  
直為弘所嫉出為  
膠西相尋以病免

### 董仲舒

江都相董仲舒叩頭死罪再拜上言君侯以周  
召自然休質擢升又作拜三公統理海內總緝百  
寮未有半言之教郡國翕然望風更思改新以  
助至治群衆所占必有成功仲舒叩頭死罪仲舒愚  
戇素無治名大漢之檢式言居官無政治聲名應朝廷  
選擢之法大字上或脫一字  
數蒙君侯哀憐之恩悞被非任無以稱職仲舒



竊見宰職任天下之重羣心所歸惟須賢佐以

成聖化願君侯大開蕭相國求賢之路廣選舉

之門高祖收搢英豪下求賢詔皆相國佐之為一代宗臣故仲舒首推之既得其人接

以周公下士之義周公一飯三吐哺一沐三握髮以下白屋之士即奇偉

隱世異倫之人各思竭愚歸往盛德英俊蒲朝

百能備具即君侯大立則道德弘通一作化流

四極仲舒愚陋經術淺薄所識褊陋不能替揚

萬分君侯所弃捐仲舒與弘俱治春秋為弘所嫉竊聞春秋曰賢

聖博觀以章其名擇善者從之無所不聽又曰

近而不言為諂遠而不言為怨皆春秋傳緯之辭故披

心陳誠仲舒叩頭死罪死罪夫堯舜三王之業

皆由仁義為本仁者所以理一作序人倫也故聖王

以為治首或曰發號出令利天下之民者謂之

仁政疾天下之害於人一作心者謂之仁心二者備

矣然後海內應以誠惟君侯深觀往古思本仁

義至誠而已方今關東五穀咸貴家有飢饉其

死傷者半盜賊並起發亡不止發謂調發以禦盜謂流士以飭食

良民被害為聖主憂各皆由仲舒等典職防禁

無素當先坐仲舒叩頭死罪死罪仲舒至愚以

為扶衰止姦本在吏耳宜一考察天下領民之



吏留心署置以明消滅邪枉之迹使百姓各安其產業無有寇盜之患以蠲主憂仲舒叩頭死罪謹奉春秋署置術按春秋之法條為署置且平吏之術隨此書奉上以求施行

其文今不作

再拜君侯足下

荅劉歆書

揚雄

洪內翰邁曰世傳揚子雲轡軒使者以此代語釋別國方言凡十三卷郭璞序而勿冊之其末又有漢成帝時劉子駿與雄書必從取方言及雄荅書以予考之殆非也雄自序所為文初無所謂方言觀其荅劉子駿書稱蜀人嚴君平按君平本姓莊漢顯宗諱莊改曰嚴法言所稱蜀莊沈冥蜀莊之才之珍吾珍莊也皆是本字何獨至此書而曰嚴又子駿只從之求書而荅云必欲脅之以威陵之以武則縊死以從命也何至是哉既云成帝時子駿與雄書而其中乃云孝成皇帝反覆抵牾又書稱汝穎之間先漢人無此語也必漢魏之際好事者為之云

雄叩頭賜命謹至又告以田儀事事窮竟白案顯出甚厚甚厚由儀與雄同鄉里幼稚為鄰長艾相愛視觀動精采似不為非者故舉至之按文至字合作任雄之任也不意淫迹暴於官朝

劉歆書云昨受交五官郎中田儀與官婢陳徵駱驛等私通盜刷越巾事即其夕竟今舉者懷被而

低眉任者含聲而寃舌知人之德堯猶病誦知書

人則哲惟帝其難之論語堯舜其猶病諸雄何慙焉叩頭叩頭又勅以殊

言十五卷君何由知之謹歸誠底裏不敢違信



雄少不師章句亦於五經之訓所不解常聞先代  
輔軒之使奏籍之書比日藏於周秦之室

故書云詔問三代周秦軒

車使者道人使者以歲八月巡路宋代語僮謠歌戲欲得其最目按書道人以木鐸徇于路註道人宣令之官輔當讀為道古字通用在由反主書籍者曰藏室史老瞞嘗為之藏去聲及其破也遺棄無見之者

獨蜀人有嚴君平臨印林間翁孺者深好訓詁

猶見輔軒之使所奉言翁孺與雄外家牽連之

親又君平過誤有以私遇少而與雄也君平財

有千言耳翁孺梗概之法略有翁孺往數歲死

婦蜀郡掌氏子無子而去而雄始能草文先作

縣邸銘王得頌階闈銘及成都城四堦銘蜀人有

十一文苑

六十七

許忠

楊莊者為郎誦之於成帝成帝好之以為似相如

雄遂以此得外見

本傳成帝時客有薦雄文似相如者文選李周翰注漢書云子雲嘗作絲

竹頌成帝時直宿楊莊誦此文成帝曰此似相如之文莊曰非也此臣邑人揚子雲帝即召見綿竹蜀之壯縣頌即銘也

此數者皆都水君常見故不復奏

歆父向也歆書多稱先君故此

答之向嘗為護左都水使者前所為文向既常見歆宜習知之雄為郎之歲

雄年四十餘自蜀來游京

師歲餘奏羽獵賦除為郎年七十一卒於天鳳五年計為郎之歲當在成帝元延年間自奏少不得

學而心好沈博絕麗之文願不受三歲之奉旦

休脫直事之繇得肆心廣意以自克就有詔可

不奪奉

可見免直事之役仍給郎俸

令尚書賜筆墨錢六萬得

觀書於石渠

三輔故事曰石渠閣在未央殿北藏秘書之所

如是後一歲作



繡補靈節龍骨之銘詩三章

繡補疑是裊裊之類加繡其上靈節靈壽杖也

漢書靈壽杖注木似竹有枝節長不過八九尺圍三四寸自然合杖制不須削治龍骨水車也禁苑池沼中或用以引水銘詩今亡不成帝好之遂得盡意故天下上計孝廉及

內郡衛率會者

四方所舉孝廉與上計者借及諸郡兵士來衛京師

雄常把三

寸弱翰齋油素四尺以問其異語歸即以鈿摘

次之於槩二十七歲於今矣

計雄是時年近七十葛洪西京雜記揚子雲好事常

懷鈿提繫從諸計吏訪殊方絕域四方之語以為裊補軒所載亦洪意也

而語言或交錯相反覆

方論思詳悉集之燕其疑

會集所未聞使疑者得所安

張伯松不好雄賦

誦之文然亦有以奇之常為雄道言其父及其先君

謂祖

以喜典訓屬雄以此篇目頗示其成者伯松曰

是縣諸日月不刊之書也又言恐雄為太玄經

由鼠坻之與牛場也

王充論衡揚子雲作太玄造法言張伯松不肯壹觀與之

併肩故賤其言使子雲在伯松前伯松以為金匱矣坻音暉場音傷皆糞也方言梁宋之間蚍蜉耕鼠之

場謂之坻如其用則實五稼飽邦民否則為抵糞棄

之於道矣而雄般之

般蒲官切樂也

伯松與雄獨何德慧

漢人用慧字多與惠通

而君與雄獨何諳隙而當匿乎其不

勞戎馬高車令人君坐幃幙之中知絕遐異俗

之語

韻書云不勞戎馬高車之使坐知儒俗適子雲攘意之秋也

典流於昆

嗣言列於漢籍誠雄心之所絕極至精之所想

違也扶聖朝遠照之明使君求此如君之意誠雄



散之之會也

歆書云隆秋之時收藏不殆饑春之歲散之不疑

死之日則今

之榮也不敢有貳不敢有愛少而不以行立於鄉里長而不以功顯於縣官者訓此於帝籍但言詞情覽翰墨爲士誠欲崇而就之不可以遺不可以忘即君必欲脅之以威陵之以武欲令入之於此此又未定未可以見今君又終之則縊死以從命也而可且寬假延期必不敢有愛雄之所爲得使君輔貢於明朝則雄無恨何敢有匿唯執事圖之

歆書云願願與其最自得使入錄今聖朝留明明之典

長監

所規繡之就死以爲小雄敢行之

言當長以所規爲監得緝成其書以死爲

輕謹因還使雄叩頭叩頭

### 遺令書四首

酈炎

後漢文苑傳酈炎字文勝范陽人有文才州郡辟命皆不就後病風恍惚性至孝遭母憂病甚發動妻始產而驚死妻家訟之收繫獄炎病不能理對熹平六年遂死獄中時年二十八

維熹平六年冬十二月

靈帝年號

乃裂裳書

白巖考之神坐

易家人有巖君焉故稱父曰巖考

炎荷天之罪以

致于死名歿身斃神而有知炎之歸觀在旦夕

之間耳若其無知將何面目少見靈去鬼哉

有知謂精爽如

生能察其情無知謂幽冥之間其自即安其自愛臣

去矣

古者父子之間亦稱且

亂矣永滅亡矣



白老母無懷憂懷憂何爲無增悲增悲何施寒  
必厚衣無炎誰爲母厚衣暑者必輕服無炎誰爲  
母輕服弃炎無念此常厚衣不尤不怨此常輕  
服矣炎病不省母已死念之若此可謂至孝根於性矣聖人達於死生賢者

力而慕之炎之中心私有所慕每讀漢書楊王

孫裸葬班固以爲賢於秦始皇

見本傳贊謂始皇起驪山墳窮極奢

侈設機城葬不數年爲人所發掘西京雜記楊貴字王孫京非人也生時厚自奉養死卒裸葬於終南山其子孫掘土鑿石深七尺而下屍上復蓋之以石意常壯之然裸以見先人若炎

不爲也其布巾取覆頭布衣用蔽形具棺取容身

鑿地取容棺若獲罪於衆耶石擲速朽

季相子曰柳孔子曰

死欲速朽事見禮記蠲其罪哉堅固不加不得罪於衆則具喪

葬無瀆先君之兆域必於瘠确之處而已呼甘

陵夫人共居也

當是指其妻也華佗傳甘陵相夫人胎死腹中嘗從佗治炎妻新乳而死故云

白典讓

當是兄之字考喪早葬玄讓之等元昆勉

之以老母相累不可使老母無曹也加供養謝

媿以老母相託若死者復知必使其言不愧

嗟哉邈之遺孤其名曰止戈汝長自爲之寧咨

尔止戈汝未有所識吾謂汝有所識其先見汝

耳汝未有所聞吾猶謂汝耳有所聞而告汝人

之喪也非父則母非昆則弟非姊則妹人之孤



也。亂齒其少矣。汝之孤也。曾未滿兩旬。汝無自以爲微弱物。有微弱於汝者。乃其長而繁。豈而後稷弃之寒冰。隘巷矣。

詩生民載生載育時維后稷誕置之寒冰

汝比之猶逸焉。於菟之在虎。乳極矣。

左傳

鳥覆翼之汝比之猶

易焉。乃終不在。乃始在。在懼。惟生無懼。管蔡之

逸。厥終乃不逸之。易。厥終不易。言咨嗟止戈。汝能

言則讚之。顧言汝能行。則履我之所訓。剛焉柔

焉。弱焉強焉。學焉愚焉。仕焉隱焉。懼汝身之柔

可不厲。汝以剛乎。懼汝之剛。可不厲。以柔乎。懼

汝之弱。可不訓。汝以強。懼汝之愚。可不勗。汝以

學。懼汝身之隱。可不救。汝以仕乎。消息汝躬。調

和汝體。思乃考。言念陋。考訓必博。學以著。書以續

受。父母父業。我十七而作。鄜篇二十四而州書

矣。二十七而作七平矣。

鄜篇州書皆字學之書其七平蓋傷故乘七發體

賦。誦誅自少。爲之苟。吾戒汝。尅從。

尅必也祭爲甘。苟示

試。恐是汝克違梁莫爲苦

以稻梁祭則有庶羞古字只作梁司馬遷傳擣梁之食後

從米。汝無逸于丘。無酒于酒。無安于忍。事君莫

如忠。事親莫如孝。朋友莫如信。脩身莫如禮。汝

哉。其勉之下。邳衛府君我之諸曹掾督郵濟北



寧府君我由之成就陳幼韓府君察我孝廉陳留  
楊使辟我右北平從事從事祭酒四人舉今我溺于

地下思恩則孤而靡報汝有可以倒載背戈無孤之

矣身死不能報期其子報之陳留蔡伯喈與我初不相見吾仰之

猶父不敢以爲兄彼必愛以爲弟九江盧府君吾友

事之二人炎之所尊事本傳云盧植爲之誄讚豈府君邪張公哀張子傳幼業生

延壽王子衍我之朋友也四人炎之友鮮于中優吾先姑之

所出也若不足焉表親之賢若不足於財產汝苟足往而朝覲之汝

不敏往從之學焉汝苟往取任焉咨爾止戈五岳復

有言焉其永覽于此

### 爲劉表與袁尚書 王粲

按史表紹字本初漢末領冀青幽并四州建安五年曹公操大破紹軍於官渡七年紹憂憤發病死初紹妻劉氏愛幼子尚數稱其才紹亦奇其兒欲以爲後乃出長子譚爲青州都督沮授諫紹必爲禍紹不聽及是審配等奉尚代紹位譚至不得立由是譚尚有隙舉兵相攻是時劉表據荊州王粲依之因爲修書譚尚勸其復好息兵與譚書漢書載之詳略少異

表頓首頓首將軍麾下勤整六師芟討暴虐戎

馬斯養古者天子六軍此借稱斯讀作廝養去声奴僕輩也聲無不宜甚善甚

善河山阻限狼虎當路虎狼指阻兵爭強者雖遣驛使或至

或否使引領告而莫達初聞郭公則幸仲治郭國辛評

二人與譚爲黨書以字稱之通內外之言造交構之隙使士民不



協女奸豐並作聞之愕然為增忿定校尉劉堅皇河  
田買等前後到到得二月六日所起書又得賢兄

貴弟顯雍及審別駕書

劉堅田買皆所遣至使人賢兄指譚也魏志譚字顯思熙字顯

弈尚字顯甫吳書曰尚有弟名買顯雍豈買之字漢書熙字顯雍乃尚兄也審配為冀州別駕有書貼表繫亦為修書答之不

見答顯雍書

陳叙事變本末之理乃知變起辛耶禍結同

生追闕伯實沈之蹤忘棠棣死喪之義

左傳高辛氏有二子長曰

闕伯季曰實沈不相能也曰尋于戈詩閔管蔡之失道故作常棣焉其詩曰死喪之戚兄弟孔懷親尋于戈僵

屍流血聞之哽咽若存若忘乃追案書傳忠與古

比昔軒轅有涿鹿之戰周公有商奄之軍

史記黃帝名軒轅與

蚩尤戰于涿鹿之野三監挾武庚以叛周公伐之遂伐奄

皆所以剪除災害而定王

十一文

十三

言忠

業者也非強弱之爭喜怒之忿也是故雖滅親不

為尤誅兄不傷義也

孟子周公弟也管叔兄也

今二君初承洪業

纂繼前軌進有國家傾危之慮退有先公遺恨之

負當唯曹氏是務不爭雄雌之勢唯國是康不計

曲直之利雖蒙塵垢罪賤為隸圜折入汙泥猶當

降志辱身方以定事為計何者夫金木水火以剛

柔相濟然後克得其和能為民用

左傳天生五材民並用之

若使

金與金相迤火與火相爛則焦然摧折俱不得其

所也今青州天性峭急迷於目前曲直是非昭然

可見仁君智數弘大綽有餘裕

青州指譚君指尚

當以大



包小以優容劣歸是於此乃道藝之和義士之行也縱不能爾有難忍之忿且當先除曹操以卒先

公恨事定之後乃議兄弟之怨使記注之士定曲

直之評不亦上策邪記注史官也理之曲直付之史筆蓋言天下自有公論且初

天下起兵以尊門為主是以衆寡喁喁莫不樂袁

氏之大也今雖分裂有存有亡嚮然景附未有革

心若仁君兄弟能悔前之繆克己復禮以從所驩

則弱者自以為強危者自以為寧誠欲勦力長驅

共獎王室雖亡之日猶存之願今能克去私忿以同尊

其生存之志願則伊周不足參五霸不足六也若使迷而不

返遂而不改則戎狄蠻夷初紹興曹公言吾南據河

向以爭天下將有誚讓之言况我同盟復能勦力為君之

役哉則是大公墳壠將有汙池之禍夫人弱小將

有滅族之變大公猶言尊公指其父紹夫人指其母劉氏弱

壞為池沼左傳吳其為沼乎彼之與此豈可同日而論之哉且行

違道以自存猶尚不可况失義以自亡而遺敵之

禽哉此韓盧東郭自困於前而遺田父之獲也戰

策韓子盧者天下之壯犬也東郭俊者海內之狡兔也韓子盧逐東郭俊環山者五兔極於前犬疲於後田父見而兩獲之以

論好戰必自斃昔齊公孫窋卒子雅晏子知子期之不免也

注以其不臣故曰一惠競爽猶可社頌注子雅子尾皆惠公之孫競強也爽明也



又弱一个姜氏危哉

左傳昭三年齊公孫竈卒晏子曰惜也子期不免殆哉姜

氏弱矣二惠競爽猶可又弱一个焉姜其危哉三子皆齊公族姜齊姓也言兄弟同德則齊猶庶幾以諭譚尚協心

則表族可保與劉左將軍及北海孫公佑共說此事未

嘗不痛心入骨相為悲傷也

左將軍劉元德北海太守孫公佑時在荆

州今整勒士馬憤踊鶴立異聞和同之聲約一

舉之期故復遣信并與青州書若其秦也則表

族其與漢升降乎若其否也則同盟永無望矣

重遣書與譚尚兄弟併勸勉之以義秦謂和睦如初否謂終於乖戾矣

臨書愴恨不知所

言劉表頓首

不三四年表氏竟為曹操所滅劉表卒亦以廢嫡立庶亡禍同一轍

### 曹公與楊太尉書論刑楊脩

魏志楊脩太尉彪子也字德祖舉孝廉除郎中丞相請署倉曹屬主簿時軍國多事脩地知內外事皆稱意臨苗侯植以才捷愛幸數與脩書植後以驕侈見疏太祖既慮終始之變以脩頗有才策而又表氏之甥也於是罪誅之洪內翰邁隨筆云古文苑載操與彪書數脩之罪以為恃豪父之勢每不與吾同懷將延足下尊門大累便令刑之是時漢室將亡政在曹氏表公四世宰相為漢宗臣固操之所忌彪之不死其手幸矣嗚呼危哉

操白與足下同海內大義足下不遺以賢子見

輔比中國雖靖方外未夷今軍征事大百姓騷

擾吾制鐘鼓之音主簿宜守所謂以而足下賢子

恃豪父之勢每不與吾同懷即欲直繩顧頗恨



魏志下氏琅邪開陽人本倡家曹公納之於  
謙後丁夫人廢遂爲繼室生子丕彰植不受  
漢禪尊爲  
皇太后

卞頓首貴門不遺賢郎輔佐每感篤念情在凝  
至賢郎盛德熙妙有蓋世文才闔門欽敬寶用  
無已方今騷擾戎馬屢動主簿股肱近臣征伐  
之計事須敬咨官立金鼓之節而聞命違制明  
公操時爲魏公故性急忿然在外輒行軍法卞姓  
當時亦所不知言不能救止之自稱卞姓尊於稱某氏聞之心肝塗  
地驚愕斷絕悼痛酷楚情自不勝夫人多容即  
見垂恕故送衣服一籠文綳百匹房子官錦百斤

### 楊太尉荅曹公書

彪白雅顧隆篤每蒙接納私自光慰小兒頑鹵  
謬見采錄不能期効以報所愛方今軍征未暇  
其備位匡政當與戮力一心而寬玩自稽將違  
法制相子之行莫若其父恒慮小兒必致傾敗  
足下恩恕延罪迄今近聞問之日心腸酷裂凡人  
情誰能不爾本傳操見彪問曰公何瘦之甚對曰愧  
無日殫先見之明猶懷老牛舐犢之愛  
操爲之深惟其失用以自釋遜辭以所惠馬及雜  
改容物自非親舊孰能至斯省覽衆賜益以悲懼

### 曹公卞夫人與楊太尉夫人表氏書



魏志下氏琅邪開陽人本倡家曹公納之於  
譙後丁夫人廢遂爲繼室生子丕彰植不受  
漢禪尊爲  
皇太后

卞頓首貴門不遺賢郎輔佐每感篤念情在凝  
至賢郎盛德熙妙有蓋世文才闔門欽敬寶用  
無已方今騷擾戎馬屢動主簿股肱近臣征伐  
之計事須敬咨官立金鼓之節而聞命違制明  
公操時爲魏公故性急忿然在外輒行軍法卞姓  
當時亦所不知言不能救止之自稱卞姓尊於稱某氏聞之心肝塗  
地驚愕斷絕悼痛酷楚情自不勝夫人多容即  
見垂怒故送衣服一籠文綃百匹房子官錦百斤

製字錦從金帛言其貴於綾羅  
價與金等故以斤論不較端疋

私所乘香車一乘

牛一頭誠知微細以達往意望爲承納

### 楊太尉夫人表氏荅書

夫人表術姊妹也術字公路漢末楷號本  
傳操忌脩且以表術之甥慮爲後患遂因  
事殺之

彪表氏

稱表氏加夫名於上  
執謙以自卑

頓首頓首路歧雖近不展

淹父歎想之勞情抱山積曹公匡濟天下遐邇以  
寧四海歸仰莫不感戴小兒疏細謬蒙采拾  
未有上報果自招罪戾念之痛楚五內傷裂尊  
意不遺伏辱惠告見明公與太尉書具知委曲



度子之行不過父母小兒違越分應至此怜其始立之年畢命埃土遺育孤幼脩子囂知言之崩名晉世潰明公所賜已多又加重賚禮頗非宜荷受輒付徃信

與鍾繇九日送菊書 魏文帝

文選有魏文帝與繇書言玉缺氣龍言詞卑不若此書整暇信乎人不可有欲心也

歲徃月來忽復九月九日九為陽數而日月並應俗嘉其名以為宜於長父故以享宴高會是月律中无射言羣木庶草无有射地而生史記律書无射者陰氣盛用事

陽氣無餘也故曰無射

惟芳菊紛然獨菲菲夫含乾坤之純和

體芬芳之淑氣孰能如此故屈平悲冉冉之將老

思餐秋菊之落英

屈原名平離騷曰老冉冉其將至兮恐脩名之不立飲木蘭之墜露

兮餐秋菊之落英

輔體延年莫斯之貴謹奉一束以助彭

祖之術

列仙傳彭祖殷大夫也姓箴名鏗歷夏至殷末八百餘歲常食桂芝善導引行氣

古文苑卷第十







